

大明三藏法數卷第十一

池三

上天竺前任持沙門一如等奉

勅集注

四眾

出法華文句

一發起眾

發起眾者開端發起

之眾也謂激揚發動使如來有所說使大
眾有所聞乃至發起問答等是也

他三

二當機眾者當座之機眾也謂宿植德本

緣合時熟不起于座聞即得道也

植者種也德本者眾善之根本也

三影響眾

影響眾者謂古往諸

佛菩薩隱其圓極之果示同機眾匡輔法
王如影之隨形響之應聲又如眾星遶月

永樂北藏

大明三藏法數

雖無作為而有六益也

佛梵語具云佛陀華言覺善薩梵語

具云菩提薩埵華言覺有情正也輔者助也言古佛菩薩隱大現小而來匡輔釋迦法王也
四結緣眾結緣眾者謂結聞法因

緣之眾也蓋由過去根淺三慧不生現世
雖見佛聞法而未能獲益但作未來得度

因緣也

四行眾

三慧者聞慧思慧脩慧也

衍者乘也出翻譯名義

聲聞謂聞佛聲教依

四諦法脩道證真是名聲聞

四諦者苦諦集諦滅諦道諦也
緣覺謂獨佛教法觀十二因緣覺真

第一八一册

七受八受九取十有十一生十二老死也

三菩薩

菩薩梵語具

云菩提薩埵華言覺有情謂自行成就則

能覺悟一切有情衆生是名菩薩

四佛

佛梵語具云佛陀華言覺覺具三義一者自

覺謂悟性真常了惑虛妄二者覺他謂運

無緣慈度有情衆三者覺行圓滿謂塵劫

脩因行滿果圓是名爲佛

無緣慈者謂無心攀緣一切衆

生而能自然現益也

人四依出法華依即依止也謂從五品位至

等覺菩薩堪爲世間衆生之所依止能令

衆生聞法開解脩行證果故名四依

位者隨喜品讀誦品說法品兼行六度品正行六度品也

五品十信

初依五品十信皆圓教位次也謂此位之

人觀慧明了達如來秘密之藏能令衆生

聞法開解脩行證果而可依止故爲初依

也

十信者信心念心精進心慧心定心不退心護法心回向心戒心

住爲二依十位亦圓教位次也謂此位之人

惑破理顯功用轉深能令衆生聞法開解

脩行證果而可依止故爲二依也

治地住脩行住生貴住具足住正心住不退住童真住法王子住灌頂住也

十

行十回向為三依

十行十回向亦圓教位

次也謂此位之人無明漸盡利祜轉深能

令衆生聞法開解脩行證果而可依止故

為三依也十行者惟善行餘益行無瞋恨

著行尊重行善法行眞實行也十回向者

救一切衆生離衆生相回向不壞回向等

一切佛回向至一切處回向隨順等觀一切

回向隨順平等善根回向無縛

衆生回向眞如相回向無縛

解脫回向法界無量回向也

四依十地亦圓教位次也等覺者去後妙

覺位猶有一等故名為等勝前諸位故稱

為覺即最後心菩薩也謂此菩薩漸盡無

明之源將滿圓極之果勝用具足能令衆

生聞法開解脩行證果而可依止故為四

依也十地者惟善地離垢地發光地燃慧

慧地法難勝地現前地遠行地不動地善

菩薩四事入於法門出大寶**入禪思門**謂

菩薩說法開導衆生必先入定思惟觀其

根器或大或小大者即說大法小者即說

小法方便隨宜稱機合道是為入禪思門

菩薩梵語具云菩提**入智慧門**謂菩薩

說法以智慧照了於諸章句義理通達無

擬悉令一切衆生悟解明了破諸癡暗生
法喜心是爲入智慧門 **三入總持門** 謂菩

薩入諸善法持令不忘遮諸惡法持令不
生於諸衆生運大慈與樂之心即持善也
起大悲拔苦之心即遮苦也是爲入總持

門 **四入辯才門** 謂菩薩於諸佛法之義分

明決了辯說無礙開發一切衆生之心令
得皆入正道是爲入辯才門

菩薩四淨 出菩薩善戒經 **身淨** 謂菩薩斷除惑業

身麗清淨成無上道生滅自在是名身淨

菩薩梵語具云菩提薩埵華言覺有情 **二緣淨** 謂菩薩爲攝

化衆生故現種種神通出沒自在諸緣無

礙是名緣淨 **三心淨** 謂菩薩脩習梵行離

諸煩惱於一切法不生取著之心是名心

淨 **四智淨** 謂菩薩善知世間出世間之法

得清淨智無有罣礙是名智淨

四種自在 出大乘莊嚴經論 **一得無分別自在** 謂菩

薩住第八不動地即捨一切功用之行得

無功用法於一切法遠離一切分別之想

而得自在故名得無分別自在 不動地者以無生智

慧捨於三界性無動後故也

二得刹土自在

謂菩薩住

不動地深心清淨於諸刹土亦得清淨出

生自在故名得刹土自在刹梵語具云刹摩華言土田即

也**三得智自在**謂菩薩住第九善慧地

得無礙智慧演說諸法稱理自在故名得

智自在他三善慧者謂已得真如之體顯發真如妙慧也

四得業自在

在謂菩薩住第十法雲地於諸煩惱業縛

悉能通達更無障礙故名得業自在法雲地者謂菩薩以大慈悲普覆一切衆生如雲之普覆萬物也

四無所畏出大智度論無所畏有二種一佛無所

畏二菩薩無所畏今此四無所畏皆言菩薩也蓋菩薩具諸智慧明了決定而於衆

中說法則無恐畏之相故名無所畏梵菩薩具云善提薩埵華言覺有情

一能持無所畏能持者謂

菩薩聞一切法常能受持憶念不忘故於

衆中說法得無所畏也

二知根無所畏知根者謂菩薩知一切衆生諸根利鈍隨其所應而為說法故於衆中說法得無所畏

也

三決疑無所畏決疑者決剖一切衆生

之疑難也謂凡有一切來難問者菩薩悉

能如法剖決而答故於眾中說法得無所畏也

四答報無所畏 答報者以言辭應答酬報其所問也謂凡一切眾生聽受問難菩薩悉能隨意如法而答故於眾中說法得無所畏也

四事勝 出地持經 **一** **根勝** 謂菩薩根性聰利勝於一切聲聞緣覺是名根勝 菩薩梵語具云菩提薩埵華言覺有

二 **道勝** 謂菩薩以慈悲心脩行六度既自度已復能度脫一切眾生勝於聲聞緣覺但能自度不能度他是名道勝 六度一

布苑二持戒三忍辱四精進五禪定六智慧也

三 **巧便勝** 謂菩薩善巧方便悉能了知一切諸法勝於聲聞緣覺但能了知五陰等法是名巧便勝 五陰者色陰受陰想陰行陰識陰也

四 **果勝** 謂菩薩脩因滿足即證佛果菩提勝於聲聞緣覺所證之果

是名果勝 梵語菩提華言道

菩薩行有四難 出華嚴經疏

一 **背已利世難** 謂脩菩薩行者其心專為利益一切眾生而無一毫為己之念非如世人但求自利而不能利他是為背已利世難 菩薩梵語具云菩提薩埵華言

覺有情

二行相唯苦難

謂脩菩薩行者不樂

世間種種欲樂愛護身命唯為利益眾生以滿本願脩行苦行是為行相唯苦難

處經諸有難

謂脩菩薩行者其心但為利益

益眾生諸有苦處無不經歷示現出生代

受其苦是為處經諸有難

四時劫無量難

劫梵語具云劫波華言分別時節華梵雙

稱故名時劫謂脩菩薩行者唯求無上佛

果兼脩利他之行所經時劫不可限量是

永樂北藏

大明三藏法數

大乘四果

出大乘莊嚴經論

大乘者謂通教中菩薩

於當教中對聲聞緣覺小乘故得稱為大

乘也四果者本是聲聞所證果位今菩薩

歷於十地脩行證果亦有淺深始終不同

故借小乘四果之位以區別之是名大乘

四果

十地者歡喜地離垢地發光地焰慧地勝地現前地速行地不動地善

慧地也

一初地生如來家是須陀洹果

語須陀洹華言入流又云預流謂菩薩入

初乾慧地時斷惑證理即是證佛所證故

云生如來家因借聲聞初果以區別之故

第一八一册

云是須陀洹果 **二**地得授記是斯陀含

果 梵語斯陀含華言一來謂菩薩於第八

辟支佛地中蒙佛授記而得作佛因借聲

聞第二果以區別之故云是斯陀含果 支辟

梵語具云辟支
迦羅華言緣覺

三地得受職是阿那含

果 梵語阿那含華言不來謂菩薩於第十

佛地中而得受如來職猶如別圖二教等

覺之位因借聲聞第三果以區別之故云

是阿那含果 **四**佛地是阿羅漢果 梵語阿

羅漢華言無學又云無生佛地即通教中

果佛也菩薩已斷見思習氣俱盡而得成
佛因借聲聞第四果以區別之故云是阿

羅漢果

四種聲聞 出法華
文句

一決定聲聞

謂其久習小

乘之法故今聞小乘教而得證果既證小

果之後再不進求大乘之法是名決定聲

聞 **二**退菩提聲聞 梵語菩提華言道謂此

聲聞本是菩薩曾發菩提之心積劫脩道

忽因疲厭生死退失大心而證小果是名

退菩提聲聞

劫梵語具云劫波
華言分別時節

三應化聲

聞應謂應現化即變化謂此聲聞本是諸

佛菩薩內秘真實之行外現聲聞之身而

能引接前之二種聲聞歸於大乘及廣化

衆生令入佛道是名應化聲聞

四增上慢謂自得增上之法而輕慢於他此種

聲聞厭惡生死欣樂涅槃因脩戒定慧之

道少有所得便謂證果此即未得謂得未

證謂證是名增上慢聲聞

一須陀洹果梵語須陀洹

華言入流又名預流即初果也謂此人斷三

界見惑盡預入聖道法流故名入流

二斯陀含果梵語斯陀含華言

一來即第二果也謂此人於欲界九品思

惑中斷前六品盡後三品猶在須更來欲

界一番受生故名一來

三阿那含起貪愛迷惑不了也九品者於

此入斷欲界後三品思惑盡更不來欲界

受生故名不來

四阿羅漢果梵語阿羅漢

華言無學即第四果也謂此人斷色界無

色界思惑盡四智已圓已出三界已證涅槃無法可學故名無學四智者我生已盡梵行已立所作已

辦不受後有也梵語涅槃華言滅度

四向出成實論并法華玄義一須陀洹向 梵語須陀洹

華言入流謂此人將入須陀洹道未至本

位不稱為果但稱為向言其從此向初果

也二斯陀含向 梵語斯陀含華言一來謂

此人將入斯陀含道未至本位不稱為果

但稱為向言其從此向第二果也三阿那

含向 梵語阿那含華言不來謂此人將入

阿那含道未至本位不稱為果但稱為向言其從此向第三果也四阿羅漢向 梵語

阿羅漢華言無學謂此人將入阿羅漢道未至本位不稱為果但稱為向言其從此向第四果也

羅漢四智出涅槃經一我生已盡 謂阿羅漢斷見

思惑盡更不受三界生死故云我生已盡

梵語阿羅漢華言無學見思惑者謂意根對法塵起諸分別名見惑眼等五根對色等五塵起諸貪愛名思惑也

三界者欲界色界無色界也二梵行已 立 梵行即淨行也謂阿羅漢由戒定慧之

行成就得證此果故云梵行已立**三所作**

已辨謂阿羅漢本求出離三界脩諸梵行

生死既盡梵行既立故云所作已辨**四不**

受後有謂阿羅漢生死惑業既盡更不受

後世之身故云不受後有

四種變易出成唯識論變易者因移果易故名變

易謂脩一分之因即感一分之果此從變

易生死一種中開出後之三種也**變易**

生死謂菩薩以無漏智力斷其麤惑所感

殊勝細異熟果以因移果易而為生死故

名變易生死漏即漏落生死今言無漏者謂菩薩依大智慧而脩不漏

二不思議身謂菩薩落生死故名無漏智

以無漏定力及以願力身所示現妙用難

測故名不思議身**三意成身**謂聲聞緣覺

菩薩以無漏定力於十方世界隨其意願

成身故名意成身**四變化身**謂聲聞緣覺

菩薩以無漏定力於十方世界變現其身

故名變化身

四加行亦名四善根此四通言加行者謂此

行人欲求見道華凡成聖遂起煖等四心

脩四諦觀以定資慧加功用行故名四加
行見道即初果須陀洹也四諦者苦諦集諦滅諦道諦也

一煖加行煖者從喻得名謂如人以木鑽

火火雖未出先得煖相譬此加行位中以
智慧火燒煩惱薪雖未得無漏之智已得

智火之前相故名煖加行無漏者謂不滯落三界生死也

二頂加行頂者謂觀行轉明在煖之上如

登山頂觀矚四方悉皆明了故名頂加行

三忍加行忍有二義一者印

可義謂於此位中即能印可四諦之理謂

苦諦實是苦乃至道諦實是道也二者決
定義謂此善根決定無退故名忍加行**四**

世第一加行謂此位中觀四諦理雖未能

證而於世間最勝故名世第一加行

滅盡定與無想定四義不同出宗錄滅盡定者

謂受想心滅出入息盡身證此定能斷見

思煩惱而證聖果無想定者謂能於定中

心想不起如水魚蟄虫不能斷惑證入聖

果故此二定有四種勝劣之義也見思即見思二

惑也謂意根對法塵起諸分別名見惑眼等五根對色等五塵起諸貪愛名思惑也

一約得人異

謂羅漢聖人由受想心滅而

證滅盡之定外道凡夫由妄計無想以為

至道而證無想之定此之二定有世間出

世間之不同故云約得人異也受想者受

謂想像即五陰中之二也**二祈願異**謂入滅盡定者則

息諸想念斷除貪愛之心唯求出世功德

入無想定者則妄計心無想慮以為解脫

唯求世間樂果故云祈願異也**三感果不**

感果異謂無想定是有漏業能感無想天

果報滅盡定是無漏業不感三界生死果

永樂北藏

大明三藏法數

報故云感果不感果異也二界者欲界色

四滅識多少謂滅盡定既滅第六識已兼

能滅第七識深分無想定但滅第六識分

別之見而諸邪見則未能盡斷故云滅識

多少也第六識即意識第七識即傳送識

又云執我識深分者我痴我見我

慢我愛之四感也**四種沙門**出瑜伽師地論梵語沙門華言勤息謂勤

行眾善止息諸惡也**一勝道沙門**謂稟佛

出家能滅貪瞋癡等煩惱得證勝道是名

勝道沙門**二說道沙門**謂已調伏貪瞋癡

第一八一册

等煩惱而能宣說正法為令眾生入於佛道是名說道沙門 **三壞道沙門** 謂破諸禁戒行諸惡法非是梵行自稱梵行是名壞道沙門 **四活道沙門** 謂能調伏貪瞋癡等勤脩正行所有善法堪能生長智慧命根是名活道沙門

四種僧 出十輪經 **一勝義僧** 謂諸佛世尊及諸菩薩緣覺聲聞等眾其德尊高於一切法通達無礙而得自在是名勝義僧 **二世俗僧** 謂剃除鬚髮被服袈裟成就出家威儀能

持佛之禁戒是名世俗僧 **三癡羊僧** 謂愚癡魯鈍不能了知根本等罪犯與不犯及於微小之罪不能發露懺悔是名癡羊僧 根本等罪即殺盜姦妄也 **四無慙愧僧** 謂若有人投佛出家得出家已於所受持佛之禁戒一切

毀犯無慙無愧不畏後世苦果是名無慙愧僧 四種天 出大智度論 **一世間天** 謂世間國王雖居人世受享天福是名世間天 **二生天** 謂三界諸天因脩戒善等福兼習禪定得生此

天是名生天三界者欲界色界無色界也戒善者即五戒十善也

淨天謂二乘之人因脩空觀斷見思惑淨

盡是名淨天二乘者聲聞乘緣覺乘也見思惑者謂意根對法塵起諸

分別名見惑眼等五根對色等五塵起諸貪愛名思惑也

四義天謂十住菩薩善解諸法之義是名義天十住者發心住

治地住脩行住生貴住具足住正心住不退住童真住法王子住灌頂住也

四禪變化出大智變即轉變化即幻化謂此

四禪諸天於五欲勝妙之境悉能次第種

種變化也五欲者色欲聲欲香欲味欲觸欲也

一初禪天變化初禪天二變化者一者能於初禪天

中變化二者能於欲界變化也

二第二禪天變化者一者能於

二禪天中變化二者能於初禪天中變化

三者能於欲界變化也

三第三禪天四變化者一者能於三禪天

中變化二者能於二禪天中變化三者能

於初禪天中變化四者能於欲界變化也

四第四禪天五變化者

一者能於四禪天中變化二者能於三禪

天中變化三者能於二禪天中變化四者

能於初禪天中變化五者能於欲界變化也

四天華梵出法華文句四天即四天王皆帝釋之

外臣也又稱護世者以能護持世間故也

梵語釋提桓因華言能天主言帝釋者華梵兼舉也

提頭賴吒天

三梵語提頭賴吒又云提多羅陀華言持

國謂能護持國土也亦云安民謂令人民

悉得安隱也居須彌山東黃金山梵語須彌華言

高妙**毗留勒叉天王**梵語毗留勒叉又云

毗流離華言增長謂能令自他善根增長

也居須彌山南瑠璃山梵語瑠璃華言青色寶**三毗**

留博叉天王梵語毗留博叉又云毗流波

叉華言廣目謂以其目廣大過於人眼故

也居須彌山西白銀山**四毘沙門天王**梵

語毗沙門華言多聞謂福德之名聞於四

方故也居須彌山北水精山

帝釋四苑出阿毘達磨大毘婆沙論梵語釋提桓因華言

能天主言帝釋者梵華兼舉也須彌山頂

是諸天所住之處有城名曰善現乃帝釋

所都城有千門嚴飾壯麗中有殊勝殿種

種妙寶具足莊嚴其城四隅有四臺觀金銀等寶所成甚可愛樂城外四面各一苑形皆正中央各有一如意池八功德

水盈滿其中是彼諸天遊戲之處也八功德水者一澄清二清冷三甘美四輕軟五潤澤六安和七飲時除飢渴等八飲已長養諸

衆車苑謂帝釋諸天若欲遊玩隨天

福德之力種種寶車於此苑中自然出現

二麤惡苑謂帝釋諸天若欲鬪戰之時隨

其所須甲仗等器於此苑中自然出現

雜林苑謂帝釋諸天若遊此苑於諸衆妙

之境所玩皆同俱生勝喜**四喜林苑**謂帝釋諸天若遊此苑極妙欲塵種種皆集歷觀遠覽喜樂無窮而不生厭

四輪王出長阿含經此四輪王長阿含經唯言金

輪王有金輪寶現若據俱舍論則四王各

有輪現也**鐵輪王**古大智度論以人壽一

增一減為一小劫謂人壽八萬四千歲時

歷過百年壽減一歲如是減至十歲則止

復過百年又增一歲如是增至二萬歲時

有鐵輪王出獨領南閻浮提一洲諸國有

不順化者王則現威列陣令其降伏然後

於彼勸化人民脩十善道是名鐵輪王

梵劫

語具云劫波華言分別時節梵語闍浮提
華言勝金洲十善者不判不盜不邪淫不
妄語不兩舌不惡口不綺語
不貪欲不瞋恚不邪見也

鐵輪王

謂

人壽增至四萬歲時有銅輪王出領東弗

于逮及南閻浮提二洲諸國有不順化者

王至彼國宣威布德令其歸順於是勸化

人民脩十善道是名銅輪王

梵語弗于逮
華言勝身

銅輪王謂人壽增至六萬歲時有銀輪王

出領東弗于逮南閻浮提西瞿耶尼三洲

諸國有不順化者王至彼國威嚴所加即

便臣伏於是勸化人民脩十善道是名銀

輪王

梵語瞿耶尼
華言牛嶺

四金輪王

謂人壽增至

八萬四千歲時有金輪王出統領北鬱單

越等四洲以十五日沐浴昇殿有金輪寶

忽現於前輪有千輻光色具足若王欲往

東方輪則東轉王乃將諸兵衆隨其後行

金輪寶前又有四神引導輪所住處王即

止駕南西北方隨輪所至亦復如是於四

天下普勸人民脩十善道是名金輪王

梵語

薛單越華
言勝處

輪王四德

出模炭經

一 大富

謂轉輪王有珍寶田

宅奴婢珠玉象馬眾多天下之人無有能

及是為第一德 **二 端正姝好**

謂轉輪王端

正姝好顏色無比天下之人無有能及是

為第二德 **三 無疾病**

謂轉輪王常安隱無

病天下之人無有能及是為第三德 **四 長壽**

謂轉輪王常安隱長壽天下之人無有

能及是為第四德

四主

出法苑珠林

四主者謂世間無輪王應運之

時瞻部洲地有四主焉

梵語瞻部又云閻浮華言勝金

東人主

人主之國風俗機變仁義昭明其

地和暢多人故名人主 **二 南象主**

象主之

國人則躁烈多習異術亦能清心釋系出

離生死其地暑濕宜象故名象主 **三 西寶**

主

主 寶主之國人無禮義惟重財賄其地臨

海多產寶貝故名寶主 **四 北馬主**

馬主之

國人則獷暴情忍殺戮其地寒勁宜馬故

名馬主

西域四姓

亦名梵生四姓謂四種人妄計我

從梵天而生故稱梵生婆羅門自計從梵

天口生刹帝利自計從梵天臍生毗舍自

計從梵天脇生首陀自計從梵天脚生以

此貢高自謂第一實非第一也 **婆羅門**

梵語婆羅門華言淨行或在家或出家世

世相承以道學為業自稱是梵天苗裔守

道居貞潔白其操故謂之淨行 **刹帝利**

梵語刹帝利華言田主為世間大地之主

即王種也 **三昆舍** 梵語昆舍亦云吠奢即

商賈種也 **四首陀** 梵語首陀亦云戌陀羅即

農人種也

四王生八子 出釋迦譜 四王同出師子頰王各生

二子故通有八子也 **淨飯王生二子** 第

一子梵語名悉達多華言頰吉以其生時

諸吉祥瑞頓出現故即釋迦牟尼佛也第

二子梵語名難陀華言善歡喜從初慕道

為名歡喜中勝故云善歡喜 **白飯王生**

一子 第一子梵語名調達華言天熱以其

生時人天等眾心皆驚熱故也第二子梵

語名阿難華言歡喜又云慶喜以其生時

舉國欣慶故也從佛出家持三藏教

三藏者經

藏律藏論藏也

三斛飯王生二子

第一子梵語名

摩訶男翻無從佛出家即於鹿苑中最初得

度第二子梵語名阿那律華言無滅又云

無貧從佛出家所謂天眼第一者是也**四**

甘露飯王生二子

第一子梵語名婆娑翻無

第二子梵語名跋提華言小賢從佛出家

即於鹿苑中最初得度是也

四輩

出翻譯名義

比丘

梵語比丘華言乞士乞

是乞求之名士是清雅之稱謂出家之人

上乞法以資慧命下乞食以資色身故名

乞士

比丘尼

梵語尼華言女佛初不度

女人出家成道之後因姨母摩訶波闍波

提懇求出家佛乃度之故名比丘尼

波闍波提華言大變道

三優婆塞

梵語優婆塞華言

清淨士謂雖在家能持五戒清淨自守又

云近事男謂能持戒可親近承事諸佛法

故名優婆塞

五戒者不殺不盜不邪淫不妄語不飲酒也

四優

婆夷梵語優婆夷華言清淨女謂雖在家

亦能堅持五戒清淨自守故名優婆夷

八四生

亦名四種生
出法苑珠林

人四生者謂世間之人

亦具卵胎濕化四種之生也

卵生

卵生

者謂依殼而出也婆沙論云昔有商人入

海得一雌鶴遂生二卵卵漸濕熟生二童

子端正聰明年長出家得阿羅漢大名世

羅小名鄔波世羅是也

梵語阿羅漢
華言無學

胎生

胎生者謂含藏而生也謂世間之人含

藏於母胎之中滿足十月而生是也

濕生

濕生者謂假濕而生也賢愚經云於過

去世有大國王名曰善住其頂上歛生一

炮皮切後轉轉大便生童子顏貌端正即

頂生王是也又經律異相云昔維耶離國

有梵志家種一柰樹生一摠節節生一枝

去地七丈杪生諸枝形如偃蓋即作棧任

閣登而視之見偃蓋中乃有池水有一

女兒在池水中是也

梵語維耶離華言廣
嚴梵語梵志華言淨商

化生

化生者謂無而忽有也涅槃經云

佛與四眾遊行有比丘尼名阿羅婆忽於

地中化生又劫初人皆是化生是也

比丘尼優婆塞
優婆夷也

四種人

出成實論

一常沒

謂人不能脩習涅槃之

法則不得出離生死大河故名常沒梵語涅槃

華言滅度

二暫出還沒

謂人或生世間於信等

五種善根不能堅固還復退失流轉生死

故名暫出還沒

五種善根者信根精進根念根定根慧根也

三

出觀

謂人沒於生死之河而能隨順涅槃

之法欲求出離如人既沒思欲得濟故先

觀看方向故名出觀

四得度

謂人具足脩

習涅槃之法則能截生死流到涅槃岸故

名得度

四法不得善提

出地持經

一無善友

謂修行之人

雖有精進之心而無善友知識為其說法

開導終不能得佛果菩提也

梵語菩提華言道

二

謬受學

謂修行之人雖值善友知識種種

說法而稟性愚鈍於所受法錯謬領解亦

不能得佛果菩提也

三不精進

謂修行之

人雖於受學之際不謬領解但自己懈怠

不能勇猛精進則亦不得佛果菩提也

四不調伏

謂修行之人雖聞正法精進勤修

然善根未熟久遠已來不能調伏其心則

亦不得佛果菩提也

四人果報

出法苑珠林

一先苦後樂

謂或有人先

生半賤家衣食不充受諸困苦然心無邪見自念我於宿世不行布施不脩福德恒值貧賤即便懺悔改往所作修於善行後

生人中多饒財寶無所缺乏是名先苦後

樂

謂或有人先生富貴之家

衣食充足受諸快樂然心懷邪見不能布施脩福多造惡業後生地獄受種種苦若生人中貧窮醜陋無有衣食是名先樂後苦

三先苦後苦

謂或有人先生貧賤家衣食

不充受諸逼迫復懷邪見習諸惡法後墮地獄受種種苦若生人中又極貧賤衣食不充是名先苦後苦

四先樂後樂謂或有

人先生富貴家多諸財寶受諸快樂復能

敬重三寶布施脩福後生人天中恒受富

貴多饒財寶稱意自在是名先樂後樂

三寶者佛寶法寶僧寶也

四種業報

出法苑珠林
現報現報者謂今生作

極善極惡之業即於今生現受善惡之果

報也**二生報**生報者謂今生作善惡業來

世身中受善惡果報也**三後報**後報者謂

今身造業來世未受多生之後乃受果報

也**四無報**無報者謂由無記業而受不善

不惡之果報也無記業者即不善不惡之業無所記憶故名無記

四報不定出法苑珠林四報不定者又於前

無報中開出四種也**一時定報不定**時即

時節報即果報謂於三時決定不改由業

有可轉故受報不定是名時定報不定三時

者謂現報生報後報也**二報定時不定**謂業力定故

報不可改然時有可轉故時節不定是名

報定時不定**三時報俱定**謂由業報定故

時節亦定是名時報俱定**四時報俱不定**

謂由業不決定故時報亦不定也蓋因衆

生之業有輕有重故受報之時有遠有近

隨其因緣先後不定是名時報俱不定

四有出宗鏡錄因果不亡曰有謂衆生作業感果

果必由因因果相酬則有生既死既有生死

必有色身既有色身必經中陰輪轉不息

則成四有中陰者謂人初死之後未曾托生故名中陰**一生有**

謂從中陰來托母胎一念識心相續五蘊

由此生起是名生有五蘊者色蘊受蘊想蘊行蘊識蘊也

本有謂已生之後未死之前於其中間所

有五蘊色身是業報之本是名本有

有謂本有之後中有之前五蘊業果色身

一時壞滅是名死有**四中有**即中陰也謂

已死之後未生之前於其中間識未托胎

是名中有

四胎相出阿毘達磨俱舍論**一正知入不正知住**謂

轉輪王宿世曾脩廣大之福其業最勝但

知入胎不能正知住胎出胎也正知猶明知也

正知入住不正知出謂獨覺之人久習多

聞其智最勝但正知入胎住胎不能正知

出胎也**三俱正知入住出**謂菩薩曠劫脩

行福德智慧俱勝故能正知入胎住胎出

胎也**四俱不正知**謂六道衆生有情之類

若福微薄者入母胎時或見大風大雨或

衆聲威逼遂見已身入於密草稠林住在此

中復從此出若福厚大者入母胎時自見

已身或處妙好園林或居勝臺殿住在此

中復從此出於入住出胎皆不能知也六道

者天道人道脩羅道餓鬼道畜生道地獄道也

五根有四事增上出五事毘婆沙論五根者眼耳鼻

舌身也增上猶增勝也莊嚴身莊嚴端

莊嚴飾也謂眼耳鼻舌莊嚴於身然後完

美於此諸根若闕一者便成殘陋若不缺

者全美增勝是為莊嚴身也導身導

養者導引資養也謂眼能見安危之色耳

能聞美惡之聲鼻能嗅香臭之氣舌能嘗

甜苦之味如是等諸識於色聲氣味若好

若惡皆能分別導引於身就好避惡令身增勝是為導養身也三識識即分別之

義謂眼對色耳對聲鼻對香舌對味身對

觸而能生於分別之識及相應法俱得增

勝是為生識也地三世三四不共事謂眼惟見色耳

惟聞聲鼻惟嗅香舌惟嘗味身惟覺觸如

是諸根各有所用不相雜亂於本根相應

之法自能增勝是為不共事也

四增盛出阿毘達磨毘婆沙論壽量增盛謂劫末時

此瞻部洲人壽減至十歲後復漸增展轉

增至八萬歲是名壽量增盛劫梵語具云劫波華言分

別時節梵語瞻部又云閻浮華言勝金

二有情增盛有情即

衆生也謂劫末時此瞻部洲惟餘萬人後復漸增展轉無數於劫增時其地廣博嚴淨人民淳善福德以其人民加衆是名有

情增盛**三資具增盛**資具者資生之具也

謂劫末時此瞻部洲人民飢饉以糝稗等爲上妙食至劫增時安隱豐樂種種地味自然出生乃至穀果等類漸漸充足是名資具增盛**四善品增盛**善品者善人所脩

諸道品也謂劫末時世間有情廣造十惡之業不脩善道至劫增時人民廣修十善

及諸道品是名善品增盛十惡者一殺生二偷盜三邪淫

四妄語五兩舌六惡口七綺語八貪欲九嗔恚十邪見也十善者不殺生不偷盜不邪淫不妄語不兩舌不惡口不綺語不貪欲不嗔恚不邪見也

四力出地持經**一自力**謂世間之人宿有善種不

假他人教誡而自能以精進勇猛之力發

菩提心是名自力梵語菩提華言道**二他力**謂世

間之人或因他人教誡或因他事感動遂

發菩提之心則是藉他之力是名他力**三**

因力謂世間之人先世脩習大乘之法今因見佛及諸菩薩嘆說無上佛道遂發菩提之心是名因力
四方便謂世間之人於現世中親近善友知識聞其善巧方便說法遂發菩提之心是名方便力

四恩

出本生心地觀經

一父母恩

經云父有慈恩母

有悲恩蓋父母長養之恩廣大無比若有男女背恩不順死即墮於地獄餓鬼畜生若有男女孝養父母承順無違常為諸天護念福樂無盡縱能一日三時割自身肉

以養父母尚未能報一日之恩也

二眾生

恩經云即無始來一切眾生輪轉五道於多生中互為父母以互為父母故一切男子即是慈父一切女人即是悲母以是因緣諸眾生類亦有大恩猶如現在父母等

無差別也

五道者天道人道鬼道畜生道地獄道也

三國王恩

經云國王福德最勝雖生人間得自在故於其國界山河大地盡屬國王一人福德勝過一切眾生之福又以正法治世能使眾生悉皆安樂若王國內一人脩善其所

作福七分之中脩善之人自得五分國王
 常獲二分以依於王而得修善故也王若
 以善法化世諸天善神常來守護若有惡
 人而生逆心於須臾頃福自消滅命終當
 墮地獄備受諸苦所以者何是諸衆生由
 不知國王恩故起諸惡逆得如是報若有
 人民能行善心敬輔仁王尊重如佛是人
 現世安隱豐樂所以者何一切國王於過
 去時曾受如來清淨禁戒常爲人王安隱
 快樂以是因緣違順果報其速如影隨形

如響應聲也**四三寶恩**三寶即佛法僧可
 尊可貴名之爲寶經云三寶利樂衆生無
 有休息功德寶山巍巍無比福德甚深猶
 如大海智慧無礙等於虛空一切衆生由
 煩惱業障沉淪苦海生死無窮三寶出世
 作大船師能截愛流超昇彼岸故恩難報
 也

四恩出釋氏要覽**一國王恩**謂出家之人國王聽
 許方得出家又蒙治化之力無強弱陵逼
 之憂而得安居山林進脩道業兼復飲食

水土皆屬國王是為國王恩 **二父母恩** 謂

稟父母遺體而得成人其生成養育之恩

如天罔極復今出家進脩道業是為父母

恩 **三師友恩** 謂出家之人蒙師剃度教誨

授以經業及得善友講明妙道開發慧性

是為師友恩 **四檀越恩** 沙三 梵語檀華言施謂

出家之人凡所資身飲食衣服等物皆由

施者供給遂得安身辦道是為檀越恩

四難 出法華經文句 **值佛難** 謂眾生因無始惑業

輪迴六道之中四趣不得見佛聞法固不

在言設得人身若生在東西北三洲者佛

不出現於彼皆不見佛得生南洲而或居

邊地或著邪見佛雖出世如是等人亦不

得見佛而况佛不常出值遇良難故經云

諸佛興出世懸遠值遇難此舉人之值佛

難也 六道者天道人道備羅道餓鬼道畜生道地獄道四趣但除人天也 **說法難**

謂如來出世本欲便說大乘之法

蓋緣機器不純不得已而權說三乘之法

委曲調停方堪入實所以歷四十餘年更

三百餘會最後至於法華會上方顯真實

故經云正使出於世說是法復難此舉大法之難說也**三聞法難**謂一乘圓頌之法微妙甚深難解難入非利根上智之士聞則惑耳驚心生疑起謗如法華會上五十人等雖梵音盈耳猶乃退席而去故經云無量無數劫聞是法亦難此舉聞法難也**四信受難**謂一乘圓頌之法唯談中道實相之理乃是果佛所證非彼三乘所知然如來出世直欲人人信受此法以致四十餘年漸次調停後至法華會上佛初為上

根之人作法說唯身子得悟次為中根之人作譬喻說唯四大弟子得悟又次為下根之人作宿世因緣說千二百聲聞方始得悟故經云能聽是法者斯人亦復難此舉信受難也法說者作三乘一乘而說譬喻說者作三乘一乘而說故文句云上根已悟中下未了故須作喻譬上法也宿世因緣者如為陳如明繫珠緣而領解阿難引空王緣而授記之類四大弟子即須善提迎旃延迎葉目捷連也四事不可久保出經云有一孤母而喪其子憂惱失意來白於佛佛即以此四事告**常必無常**世間之相一一無常假今

萬劫之久鐵石之堅須彌之高大海之廣終為無常之所壞滅是故常不可久保也

梵語須彌華言妙高

富貴必貧賤

世間之事盛必有衰盈必有虧此理之必然也蓋富貴雖

命於天而理有不可常者故今之富貴安知異時而不貧賤故富之與貴亦不可久

保也**三會合必別離**人之生世離必有會

合必有離此理之自然而非人意之所能必故今之會合安知異時而不別離故會合亦不可久保也**四強健必死**人之處世

生必有死此理之常是故年雖強健終歸

壞滅豈山石空海之所可避耶是故強健

亦不可久保也山石空海者經云非空非

方所脫之不

四不可得

出諸經要集

佛告諸比丘世有四事不

可得免古今已來天地成立無免此苦以

斯四苦佛興于世令諸衆生成得脫離梵

比丘華言乞士**常少不可得**謂年幼之時髮黑

齒白形貌光澤衆人瞻戴莫不愛敬一旦

老耄頭白齒落短氣呻吟欲使常少不至

老者終不可得**一無病不可得**謂身體強

健行步輕便一旦疾病伏著床枕不能動

轉欲使常安無病終不可得**三長壽不可**

得謂欲求長壽五欲自恣放心逸意將期

永久無常卒至忽然命終欲求長壽終不

可得五欲者色欲聲欲香欲味欲觸欲也**四不死不可得**謂

父母兄弟妻妻子息歡娛笑樂意可常得

無常卒至鬼神獨逝欲求不死終不可得

四山出別譯雜阿含經佛在給孤獨園語波斯匿王

云有大石山上連於天下連於地從東方

來所歷之處卉木叢林有生之類悉皆摧

碎南西北方亦復如是以此四山喻衆生

老病死衰之四相也梵語波斯匿華言勝軍**一老山**

謂人之老邁形色枯悴精神昏昧髮白面

皺遠將不久則彼少年端美之相悉皆變

壞如彼大山來時摧損於物不可免者故

經言老山能壞一切壯年盛色也**二病山**

謂人之四大不調或寒或熱生種種病能

使身力疲敗精神減損如彼大山來時損

一切物莫可避者故經言病山能壞一切

強健也**三死山**謂人身殞命終四大諸根

悉歸磨滅如彼大山來時萬物一時摧碎

莫可禦者故經言死山能壞一切壽命也

四大者地大水
大火大風大也**四衰耗山**謂人之生迫於

衰耗勢必既去貨財亦空名稱不聞志意

消沮如彼大山來時損壞於物莫可逃者

故經言衰耗之山能壞一切榮華富貴也

四種死出阿毘曇
毘婆沙論**壽盡財不盡死**謂如有

人由宿業故報壽既短於現生中復不積

善作福但經營生理多求財物其壽已盡

積蓄尚多是名壽盡財不盡死**二財盡壽**

不盡死謂如有人不能經營生理少有財

物壽雖未盡積蓄素無或因飢餓或由凍

苦遂致於死是名財盡壽不盡死**三壽盡**

財盡死謂如有人作短壽業又不能經營

財物一旦壽盡其財亦盡是名壽盡財盡

四壽不盡財不盡死謂如有人廣作善

業廣作財業其財未盡其壽未盡以餘因

緣忽遭橫死是名壽不盡財不盡死

大明三藏法數卷第十二

永樂北藏

大明三藏法數

第一八一冊